

বাংলাদেশ কৃষি ব্যাংক
প্রধান কার্যালয়, ঢাকা।

ফ্রেডিট বিভাগ-১

পরিকল্পনা ও পরিচালন পরিপত্র নং ২৮/২০১৮

তারিখঃ ১৯/১২/২০১৮ খ্রিঃ

বিষয়ঃ ব্যাংক ঋণের বিপরীতে জামানতি সম্পত্তির মূল্য নির্ধারণের পদ্ধতি প্রসংগে।

পরিকল্পনা ও পরিচালন পরিপত্র নং-০৩/২০১৮ তারিখঃ ০১/০১/২০১৮ এর নির্দেশনা মোতাবেক ব্যাংক ঋণের বিপরীতে প্রস্তাবিত বন্ধকি জমিসহ স্থাবর সম্পত্তির মূল্য নিরূপণের নীতিমালা জারী করা হয়, যা বর্তমানে প্রচলিত আছে। বিভিন্ন এলাকার জামানতি সম্পত্তির প্রকৃত মূল্য সময়ের বিবর্তনে ও চাহিদার ক্রমবর্ধমান বৃদ্ধির সাথে সাথে বৃদ্ধি পাচ্ছে। ব্যাংকের বিনিয়োগ বৃদ্ধির স্বার্থে হালনাগাদ মূল্যের ভিত্তিতে বন্ধকি জমির মূল্যায়ন করার আবশ্যিকতা অনুভূত হওয়ায় এ বিষয়ে বন্ধকি স্থাবর সম্পত্তির মূল্য নির্ধারণ সম্পর্কে সংশোধিত নীতিমালা পরিচালনা পর্ষদের ২৯-১১-২০১৮ তারিখে অনুষ্ঠিত ৭২২তম সভার (১৩-১২-২০১৮ তারিখে অনুষ্ঠিত ৭২৩ তম সভায় দৃঢ়ীকৃত) অনুমোদনের প্রেক্ষিতে জারী করা হলো :

- ০২। যে কোন এলাকার কৃষি জমি বা অন্যান্য বন্ধকযোগ্য জমি মূল্যায়নের ক্ষেত্রে বিভিন্ন এলাকার বাজার মূল্যের ভিত্তিতে জমির মূল্য নির্ধারণ করতে হবে। বিভাগীয়, জেলা শহর, পৌরসভা, সিটি কর্পোরেশনভুক্ত এলাকাসমূহ, বিশেষ বাণিজ্যিক গুরুত্ব সম্পন্ন এলাকা সমূহ, বৃহত্তর জেলা সদর, কতিপয় বাণিজ্যিক গুরুত্বপূর্ণ পৌর এলাকা সমূহ, অন্যান্য নতুন জেলা সদর/অন্যান্য পৌর এলাকাসমূহ ও অন্যান্য এলাকার জমির ধরন ভেদে একর প্রতি জমির মূল্য মৌজাওয়ারী জমির প্রকৃতি (বাণিজ্যিক/আবাসিক/নাল ইত্যাদি) অনুযায়ী বাজার মূল্যের ভিত্তিতে নির্ধারণ করতে হবে। বাস্তবতার নিরিখে বাজার মূল্য নির্ধারণ করার জন্য একর প্রতি জমির মৌজা মূল্যের উপর নিম্নবর্ণিতভাবে নির্ধারিত ফ্যাক্টর দিয়ে গুন করে সর্বোচ্চ বাজার মূল্য নির্ধারণ করতে হবে। তবে, এক্ষেত্রে প্রস্তাবিত বন্ধকিতব্য জামানতি সম্পত্তির প্রাপ্ত মূল্য প্রকৃত বাজার মূল্য অপেক্ষা বেশী হলে কম মূল্যই গ্রহণ করতে হবে (প্রকৃত বাজার মূল্য ও নির্ধারিত মূল্যের মধ্যে যেটি কম)। প্রস্তাবিত বন্ধকিতব্য সম্পত্তির/জমির প্রকৃত বাজার মূল্য ঋণাংকের ন্যূনতম ১.২৫ গুন হতে হবে।

(লক্ষ টাকায়)

এলাকা	জমির ধরণ					
	বাণিজ্যিক		আবাসিক		নাল	
	মৌজা মূল্য	ফ্যাক্টর	মৌজা মূল্য	ফ্যাক্টর	মৌজা মূল্য	ফ্যাক্টর
ক। ঢাকা সিটি কর্পোরেশন (উত্তর / দক্ষিণ) এর এলাকাসমূহ		৩.০০		৩.০০		২.৫০
খ। বিভাগীয় জেলার সদর পৌরসভা/ সিটি কর্পোরেশনভুক্ত এলাকাসমূহ :		২.০০		১.৮০		২.০০
গ। জেলা সদরঃ		১.৩০		১.৪০		১.৫০
ঘ। উপজেলা/ থানা সদর :		১.২৫		১.৩০		১.৩০
ঙ। ইউনিয়ন পর্যায়		১.২০		১.২৫		১.২০

সর্বোচ্চ বাজার মূল্য হবে = সংশ্লিষ্ট এলাকার মৌজা মূল্য X ফ্যাক্টর।

- ০৩। ঋণাংক অনুসারে ঋণের বিপরীতে প্রস্তাবিত জামানতি সম্পত্তির মূল্য ও স্বত্ব নির্ধারণের ক্ষেত্রে নিম্ন বর্ণিতভাবে দুইটি পদ্ধতি অনুসরণ করতে হবেঃ

(ক) ৫.০০ লক্ষ টাকা পর্যন্ত ঋণাংকের ক্ষেত্রে :

শাখার মূল্যায়ন কর্মকর্তা/কর্মচারী (মাঠ কর্মকর্তা/কর্মচারী) ও ব্যবস্থাপক কর্তৃক উপরোক্তভাবে জামানতি সম্পত্তির মূল্য নির্ধারণপূর্বক ব্যাংকের প্রচলিত নিয়মে জামানতি সম্পত্তির স্বত্ব নির্ধারণ করতে হবে। এ ক্ষেত্রে জামানতি সম্পত্তির মূল্য ঋণাংকের ১.২৫ গুন হতে হবে। এজন্য কোন কমিটির প্রয়োজন হবে না এবং মূল্যায়ন ছক পূরণ করতে হবে না।

(খ) ৫.০০ লক্ষ টাকার তদুর্ধ্ব ঋণাংকের ক্ষেত্রেঃ

উপরোক্তভাবে বন্ধকি সম্পত্তির (জমি) মূল্য নির্ধারণকরতঃ প্রচলিত নিয়মে জামানতি সম্পত্তির স্বত্ব নির্ধারণ করতে হবে। এক্ষেত্রে নিম্নবর্ণিতভাবে গঠিত মূল্যায়ন কমিটির (অনুঃ ৬ এ বর্ণিত) মাধ্যমে অত্র পরিপত্রের সাথে সংযুক্ত “মূল্যায়ন প্রতিবেদন ছক” অনুযায়ী মূল্যায়ন প্রতিবেদন প্রস্তুত করতে হবে।

০৪। সংশ্লিষ্ট পর্যায়ের শাখা, আঞ্চলিক/মুখ্য আঞ্চলিক, কর্পোরেট শাখা, স্থানীয় মুখ্য কার্যালয় ও বিভাগীয় কমিটি কর্তৃক প্রস্তাবিত বন্ধকিত জমি আবশ্যিকভাবে সরেজমিনে পরিদর্শন করে জমির অবস্থান ও প্রকৃতি অনুযায়ী মূল্যের সঠিকতা নিশ্চিত পূর্বক প্রকৃত বাজার মূল্য নির্ধারণ করতে হবে। নির্ধারিত ছকে জামানতি সম্পত্তি মূল্যায়নের পর প্রাপ্ত তথ্য উপাত্তের সারসংক্ষেপ ঋণ নথি মূল্যায়নের পূর্বানুমান প্রতিবেদন (এল,এফ-৫) এর সংশ্লিষ্ট কলামে প্রদর্শিত ছকে লিপিবদ্ধ করে সংশ্লিষ্ট কর্মকর্তাগণকে স্বাক্ষর করতে হবে। বিভাগীয় কার্যালয়ের মহাব্যবস্থাপক এবং স্থানীয় মুখ্য কার্যালয়ের মহাব্যবস্থাপক কর্তৃক জামানতি সম্পত্তির মূল্যায়ন প্রতিবেদন অনুমোদন করতে হবে। অর্থাৎ মাঠ কার্যালয় হতেই জামানতি সম্পত্তির মূল্য চূড়ান্তভাবে নির্ধারিত হবে।

০৫। বন্ধকিতব্য সম্পত্তির বাজারমূল্য ঋণাংকের ন্যূনতম ১.২৫ গুন হতে হবে। এক্ষেত্রে মৌজা মূল্য রেফারেন্স হিসেবে প্রতিবেদনে উল্লেখ থাকতে হবে। ৫.০০ কোটি ও তদুর্ধ্ব ঋণাংকের প্রকল্প ঋণের ক্ষেত্রে জামানত ও ঋণাংকের অনুপাত হবে ১ঃ১। প্রকল্পে চলতি মূলধন ঋণ অর্থায়ন করতে হলে চলতি মূলধন ঋণের জন্য জামানত ও ঋণাংকের অনুপাত হবে ১ঃ ১.২৫; এক্ষেত্রে প্রয়োজনে অতিরিক্ত সহায়ক জামানত গ্রহণ করতে হবে।

০৬। (ক) মূল্যায়ন কমিটি নিম্নবর্ণিতভাবে গঠিত হবে :

(১) শাখা পর্যায়ের জন্য মূল্যায়ন কমিটিঃ (৫.০০ লক্ষ টাকার উর্ধ্ব হতে ২০.০০ লক্ষ টাকা পর্যন্ত ঋণের ক্ষেত্রে)ঃ

১।	শাখা ব্যবস্থাপক	সভাপতি
২।	২য় কর্মকর্তা	সদস্য সচিব
৩।	সংশ্লিষ্ট মাঠ কর্মকর্তা /এপ্রাইজাল কর্মকর্তা (গ্রেড নির্বিশেষে)	সদস্য

(২) এল,পি,ও এর জন্য মূল্যায়ন কমিটিঃ (৫.০০ লক্ষ টাকার উর্ধ্ব ঋণাংকের ক্ষেত্রে)ঃ

১।	উপ-মহাব্যবস্থাপক (ঋণ)	সভাপতি
২।	প্রত্যবেক্ষণ ও নিরীক্ষা বিভাগ-১ এর মনোনীত উপযুক্ত প্রতিনিধি	সদস্য
৩।	প্রকৌশলী/সহকারী প্রকৌশলী / এপ্রাইজাল কর্মকর্তা (গ্রেড নির্বিশেষে)	সদস্য
৪।	সংশ্লিষ্ট মাঠ কর্মকর্তা /এপ্রাইজাল কর্মকর্তা (গ্রেড নির্বিশেষে)	সদস্য সচিব

(৩) কর্পোরেট শাখার জন্য মূল্যায়ন কমিটিঃ

(৫.০০ লক্ষ টাকার তদুর্ধ্ব তবে ৬০.০০ লক্ষ টাকার নিম্ন পর্যন্ত ঋণের ক্ষেত্রে)ঃ

১।	উপ-মহাব্যবস্থাপক (কর্পোরেট শাখা)	সভাপতি
২।	বিভাগীয় নিরীক্ষা কর্মকর্তার কার্যালয়ের উপযুক্ত কর্মকর্তা	সদস্য
৩।	সহকারী মহাব্যবস্থাপক (ঋণ)/উর্দ্ধতন মুখ্য কর্মকর্তা (ঋণ)	সদস্য সচিব
৪।	প্রকৌশলী/সহকারী প্রকৌশলী (বিভাগীয় কার্যালয়/কর্পোরেট শাখা) /এপ্রাইজাল কর্মকর্তা (গ্রেড নির্বিশেষে)	সদস্য
৫।	সংশ্লিষ্ট মাঠ কর্মকর্তা / এপ্রাইজাল কর্মকর্তা (গ্রেড নির্বিশেষে)	সদস্য

(৪) মুখ্য আঞ্চলিক/আঞ্চলিক মূল্যায়ন কমিটিঃ

(২০.০০ লক্ষ টাকার তদুর্ধ্ব তবে ৬০.০০ লক্ষ টাকার নিম্ন পর্যন্ত সকল ঋণের ক্ষেত্রে)ঃ

১।	মুখ্য আঞ্চলিক/আঞ্চলিক ব্যবস্থাপক	সভাপতি
২।	আঞ্চলিক নিরীক্ষা কর্মকর্তা /ভীর কার্যালয়ের উপযুক্ত কর্মকর্তা	সদস্য
৩।	সংশ্লিষ্ট শাখা প্রধান	সদস্য সচিব
৪।	প্রকৌশলী/সহকারী প্রকৌশলী (মুখ্য আঞ্চলিক/আঞ্চলিক কার্যালয়) /এপ্রাইজাল কর্মকর্তা (গ্রেড নির্বিশেষে)	সদস্য
৫।	সংশ্লিষ্ট মাঠ কর্মকর্তা /এপ্রাইজাল কর্মকর্তা (গ্রেড নির্বিশেষে)	সদস্য

(৫) বিভাগীয় মূল্যায়ন কমিটিঃ (৬০.০০ লক্ষ টাকা ও তদুর্ধ্ব ঋণের সকল ক্ষেত্রে) :

১।	উপ-মহাব্যবস্থাপক (পরিচালন) (সংশ্লিষ্ট বিভাগীয় কার্যালয়)	সভাপতি
২।	সংশ্লিষ্ট মুখ্য আঞ্চলিক/আঞ্চলিক ব্যবস্থাপক /কর্পোরেট শাখার উপমহাব্যবস্থাপক	সদস্য
৩।	বিভাগীয় নিরীক্ষা কর্মকর্তা /তীর কার্যালয়ের উপযুক্ত কর্মকর্তা	সদস্য
৪।	সংশ্লিষ্ট শাখা প্রধান / কর্পোরেট শাখার সহকারী মহাব্যবস্থাপক (ঋণ)	সদস্য সচিব
৫।	প্রকৌশলী (মুখ্য আঞ্চলিক/আঞ্চলিক কার্যালয়)/বিভাগীয় কার্যালয় /এপ্রাইজাল কর্মকর্তা (গ্রেড নির্বিশেষে)	সদস্য

(খ) মূল্যায়ন কমিটির অনুসরণীয় বিষয়াদিঃ

- (১) ৫.০০ কোটি ও তদুর্ধ্ব ঋণাংকের প্রকল্প ঋণের ক্ষেত্রে জামানত ও ঋণাংকের অনুপাত হবে ১ঃ১ ;
- (২) সম্পত্তির প্রকৃত অবস্থান ও অবকাঠামোগত সুবিধা; ইমারতের ক্ষেত্রে বয়স, অবচয়, নির্মাণ শৈলী ইত্যাদি পর্যালোচনা করতে হবে। রাজউক,সিডিএ,কেডিএ,আরডিএ,বিসিক,গৃহায়ন অথরিটি, গণপূর্ত বিভাগ ইত্যাদি কর্তৃপক্ষ হতে দীর্ঘ মেয়াদি লীজ নেয়া সম্পত্তির ক্ষেত্রে সংশ্লিষ্ট কর্তৃপক্ষের নিকট হতে বন্ধক গ্রহণ বিষয়ে অনুমতি/অনাপত্তি গ্রহণ করতে হবে;
- (৩) সম্ভাব্য ঝুঁকি (নদী ভাঙ্গন/বন্যা প্রবণ,অগ্নিগ্রহণ সম্ভবনা ইত্যাদি) বিবেচনা করতে হবে। সরকার কর্তৃক অগ্নিগ্রহণকৃত/অর্পিত সম্পত্তি এবং মালিকের দখলে নেই এমন সম্পত্তি বন্ধক নেয়া যাবে না;
- (৪) সাব রেজিস্ট্রি অফিস হতে সংগৃহীত মৌজামূল্য, তাৎক্ষণিক বাজার মূল্য ও বর্তমান বাজার মূল্য উল্লেখ করতে হবে। মালিকানার কাগজপত্র বিশ্লেষণ ও আইনজীবির মতামত গ্রহণ করতে হবে;
- (৫) প্রয়োজনীয় অন্যান্য তথ্যাদি সংগ্রহ পূর্বক মূল্যায়ন প্রতিবেদন ছক যথাযথভাবে পূরণ করতে হবে;
- (৬) শাখা, মুখ্য আঞ্চলিক/আঞ্চলিক কার্যালয় / কর্পোরেট শাখা ও স্থানীয় মুখ্য কার্যালয়ের (৬০.০০ লক্ষ টাকার নিম্ন ঋণাংক পর্যন্ত) মূল্যায়ন কমিটিই অনুমোদনকারী হবেন। তবে, ৬০.০০ লক্ষ টাকার উর্ধ্বের ঋণাংকের জন্য সংশ্লিষ্ট মহাব্যবস্থাপক অনুমোদনকারী কর্তৃপক্ষ হবেন;
- (৭) নির্মিত ভবনাদি সহজামানত হিসেবে গ্রহণের ক্ষেত্রে নির্মাণ সংক্রান্ত যথাযথ কর্তৃপক্ষের অনুমোদন থাকতে হবে;
- (৮) নির্দায় সনদ (Non Encumbrance Certificate) গ্রহণ করতে হবে;
- (৯) প্রয়োজনীয় অন্যান্য তথ্যাদি।

০৭। অবস্থানগত কারণে একই মৌজায় অবস্থিত একই প্রকৃতির জমির মূল্য কম/বেশী হতে পারে। তাই, প্রস্তাবিত বন্ধকি জমির মূল্যায়নের সময় উপরে বর্ণিত পদ্ধতিসমূহ অনুসরণকালে সংশ্লিষ্ট জমির অবস্থান সরেজমিনে যাচাই করে বিচক্ষণতার সাথে সঠিক মূল্য নিরূপণ করতে হবে যাতে নির্ধারিত মূল্য কোনক্রমেই প্রকৃত মূল্যের চেয়ে বেশী না হয় এবং অতি মূল্যায়ন না ঘটে।

০৮। জামানতি সম্পত্তি পুনঃ মূল্যায়ন :

কমিটি কর্তৃক একই ভূমির মূল্যায়নের ক্ষেত্রে অনধিক ৩(তিন) বছরের পূর্বে পুনঃ মূল্যায়ন করা যাবে না। ঋণসীমা নবায়নকালে মাঠ কার্যালয়কে এই মর্মে নিশ্চিত হতে হবে যে, সহায়ক জামানত হিসেবে গৃহীত সম্পত্তি অতিমূল্যায়িত হয়নি।

০৯। জামানত হিসেবে দালান কোঠার মূল্য নির্ধারণঃ

জামানত হিসেবে দালান কোঠার মূল্যায়নের ক্ষেত্রে গণপূর্ত বিভাগ কর্তৃক প্রস্ততকৃত ব্যয় প্রাক্কলনের উপর ভিত্তি করে (প্রয়োজনীয় অবচয় বাদে) দালান কোঠার মূল্য নির্ধারণ করতে হবে। এ ক্ষেত্রে দালান কোঠার অনুমোদিত নকশা, মিউনিসিপ্যাল ট্যাক্স এর পরিমাণ, নির্মাণের ধরণ ও শ্রেণী, নির্মাণ বছর, দালান কোঠার রক্ষনাবেক্ষণ মান এবং পানি, গ্যাস ও বিদ্যুতের ব্যবস্থা বিবেচনায় নিতে হবে। জামানতে প্রদত্ত দালান কোঠার মূল্য নির্ধারণের পূর্বে শাখা ব্যবস্থাপক/ ব্যাংকের প্রকৌশলী/ মূল্যায়ন কমিটি কর্তৃক সরেজমিনে পরিদর্শনপূর্বক নির্ধারিত নিয়মানুযায়ী দালান কোঠার মূল্য নির্ধারণ করতে হবে। এছাড়াও, আধুনিকায়নের ফলে গড়ে উঠা ফ্ল্যাট/কমার্শিয়াল স্পেস/স্টীল ষ্ট্রাকচার বিস্তৃত/আধাপাকা ইমারত জামানতরূপে বন্ধক গ্রহণের বিষয়ে নিম্নোক্ত নীতিমালা অনুসরণ করতে হবেঃ

(ক) জমিঃ

ঋণের বিপরীতে জামানতি সম্পত্তি হিসেবে গৃহীতব্য ভূমির মূল্য নির্ধারণের পদ্ধতির বিষয়ে অত্র পরিপত্রের ২ থেকে ৮ নং অনুচ্ছেদ অনুসরণ করতে হবে।

(খ) নির্মাণাদিঃ

ফ্ল্যাট/কমার্শিয়াল স্পেস এবং ফেব্রিকেটেড স্টীল ষ্ট্রাকচার শেড/বিল্ডিং এবং আধাপাকা ইমারত এর মূল্য নির্ধারণের ক্ষেত্রে নির্মাণ কাঠামো ও মূল্য নির্ধারণ পদ্ধতি নিম্নোক্তভাবে অনুসরণ করতে হবেঃ

১) ফ্ল্যাট/কমার্শিয়াল স্পেসঃ

লোড বিয়ারিং ব্রিক ওয়াল ফাউন্ডেশন/পাইল ফাউন্ডেশন/আরসিসি ফাউন্ডেশন, আরসিসি ফ্রেডবীম/কলাম/বীম/লিন্টেল/সিড়ি, ১০' / ৫' ইটের গাথুনী, পাকা ছাদ/মেঝে, সিমেন্ট প্লাস্টার, হোয়াইট/কালার ওয়াশিং, দরজা, জানালা, উইন্ডো গ্রীল ইত্যাদি।

২) স্টীল ষ্ট্রাকচার বিল্ডিংঃ

আরসিসি ফাউন্ডেশন/পাইল ফাউন্ডেশন, আরসিসি/স্টীল কলাম, স্টীলের বীম, স্টীল ট্রাস, ফেব্রিকেটেড সীটের ছাউনি, ইটের/ফেব্রিকেটেড সীটের দেয়াল, পাকা মেঝে, দরজা/জানালা ইত্যাদি।

৩) আধাপাকা ইমারতঃ

আরসিসি/ব্রিক ফাউন্ডেশন, আরসিসি/ব্রিক কলাম, আরসিসি লিন্টেল ১০' / ৫' ইটের দেয়াল, স্টীল ট্রাস, সিআইসিটের চালা, মেঝে পাকা, সিমেন্ট প্লাস্টার, দরজা, জানালা গ্রীল ইত্যাদি।

উপরোক্ত ১,২,৩ নং স্পেসিফিকেশন অনুযায়ী জামানতরূপে গৃহীতব্য/প্রদত্ত সম্পত্তিসমূহ নির্মাণ করা হলে গণপূর্ত বিভাগের সর্বশেষ সিডিউল অব রেটস এর আলোকে মূল্যায়ন করতে হবে। প্রচলিত নিয়ম মোতাবেক অবচয় বিয়োজন করে নীট মূল্য নির্ধারণ করতে হবে।

ফ্ল্যাট/কমার্শিয়াল স্পেস এর মূল্যায়নের ক্ষেত্রে ডেভলপার কোম্পানি রিহাবের সদস্য কিনা, কাজের গুণগত মান, ইমারতের অবস্থান ইত্যাদি বিবেচনায় এনে মূল্যায়নের ভিত্তি হিসেবে গণপূর্ত বিভাগের নির্ধারিত রেইট, সংশ্লিষ্ট এলাকার একই মানের কমপক্ষে অন্য তিনটি ডেভলপার এর বিক্রিত ফ্ল্যাট/ইমারতের বিক্রয় মূল্য, সংশ্লিষ্ট ইমারতের প্রকৃত ক্রয়মূল্য/ডিড মূল্য, বর্তমান বাজার মূল্য ও তাত্ক্ষণিক বিক্রয় মূল্যের আলোকে বর্তমান বাজার মূল্য ইত্যাদি বিবেচনায় আনতে হবে। অত্র পরিপত্রের ৫নং অনুচ্ছেদ এ বর্ণিত কমিটি কর্তৃক প্রযোজ্য বিষয়াদি অনুসরণসহ সংশ্লিষ্ট এলাকার একই মানের কমপক্ষে অপর তিনটি ডেভলপারের বিক্রিত ফ্ল্যাট/ইমারতের ডিড মূল্যের গড় নির্ণয় করে মূল্যায়ন সম্পন্ন করা যেতে পারে এবং স্টীল ষ্ট্রাকচার বিল্ডিং/আধাপাকা ইমারতের মূল্য নির্ধারণের সময় গণপূর্ত বিভাগের সংশ্লিষ্ট সময়কালের প্রচলিত সিডিউল অব রেটস অনুসরণ করা যেতে পারে।

(গ) ঋণের বিপরীতে জামানত হিসেবে ফ্ল্যাট, কমার্শিয়াল স্পেস, ফেব্রিকেটেড স্টীল ষ্ট্রাকচার শেড/বিল্ডিং এবং আধাপাকা ইমারত বন্ধক গ্রহণের ক্ষেত্রে উপরোক্ত মূল্যায়ন পদ্ধতি অনুসরণ পূর্বক কমিটি কর্তৃক সরেজমিনে অকুস্থল পরিদর্শন করে বিচক্ষণতার সাথে সঠিক মূল্য নির্ধারণ করতে হবে যাতে নির্ধারিত মূল্য কোনক্রমেই প্রকৃত মূল্যের চেয়ে বেশী না হয় এবং অতি মূল্যায়ন না ঘটে।


১০। জামানত হিসেবে মেশিনারীজ এর মূল্য নির্ধারণঃ

প্রকল্প ঋণ ব্যতীত অন্যান্য ঋণের জন্য কারখানার মেশিনারীজ ব্যাংকের নিকট দায়বদ্ধ থাকবে, কিন্তু জামানতি সম্পত্তি মূল্যায়নের ক্ষেত্রে উক্ত মেশিনারীজ এর মূল্য গ্রহণ করা যাবে না। কেবলমাত্র প্রকল্প ঋণ এবং বিদ্যমান প্রকল্পে চলতি মূলধন অর্থায়নের ক্ষেত্রে জামানত হিসেবে কারখানার মেশিনারীজের মূল্য (অবচয় বাদে) নির্ধারণ করে গ্রহণ করতে হবে। প্রকল্প ঋণের মেশিনারীজ এর মূল্য নির্ধারণের ক্ষেত্রে প্রচলিত বিধি বিধান অনুসরণ করতে হবে।

১১। বর্ণিত নীতিমালায় যে বিষয়াদি আবৃত করে না সেক্ষেত্রে বাংলাদেশ ব্যাংক ও বাংলাদেশ সরকারের ঘোষিত নীতিমালা প্রযোজ্য হবে এবং সংশ্লিষ্ট পরিপত্র/নিয়মাচার প্রদানক হিসেবে উল্লেখ এবং নথিভুক্ত করতে হবে।

- ১২। অত্র পরিপত্র জারীর পূর্বে মঞ্জুরিকৃত ঋণের বিপরীতে মূল্যায়নকৃত জামানতি সম্পত্তির মূল্যায়ন বহাল থাকবে। তবে, জামানতি সম্পত্তির পুনঃমূল্যায়ন বা ঋণাংক পরিবর্তন হলে এবং নতুনভাবে বন্ধকি দলিল সম্পাদনের প্রয়োজন হলে এ নীতিমালার আওতায় জামানতি সম্পত্তি মূল্যায়ন করতে হবে।
- ১৩। অত্র পরিপত্র জারীর সাথে সাথে এতদবিষয়ে জারীকৃত পরিকল্পনা ও পরিচালন পরিপত্র নং-০৩/২০১৮ তারিখ ০১/০১/২০১৮ এর নির্দেশনা বাতিল বলে গণ্য হবে।
- ১৪। এসএমই খাতে জামানতি সম্পত্তির এমসিএল নির্ধারণের ক্ষেত্রে বাংলাদেশ কৃষি ব্যাংক, প্রকল্প বাস্তবায়ন বিভাগের ৩০/১১/২০১০ তারিখের পরিকল্পনা ও পরিচালন পরিপত্র নং -২৬/২০১০ এবং বাংলাদেশ ব্যাংক কর্তৃক সময়ে সময়ে এসএমই ঋণ সংক্রান্ত জারীকৃত নির্দেশনা অনুসরণীয় হবে।

অনুমোদনক্রমে-



(মোঃ শহিদুল ইসলাম)

মহাব্যবস্থাপক

পরিকল্পনা ও পরিচালন মহাবিভাগ


ফোনঃ ৯৫৫৪১৬৯

নং-প্রকা/ক্রেঃ বিঃ-১/৩(৭)/২০১৮-১৯/৩৮৩ (১২৫০)

তারিখঃ - ঐ -

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলোঃ

- ১। স্টাফ অফিসার, ব্যবস্থাপনা পরিচালক মহোদয়ের সচিবালয়, বাংলাদেশ কৃষি ব্যাংক, প্রধান কার্যালয়, ঢাকা।
- ২। স্টাফ অফিসার, উপ-ব্যবস্থাপনা পরিচালক ১/২/৩ মহোদয়ের সচিবালয়, বিকেবি, প্রধান কার্যালয়, ঢাকা।
- ৩। স্টাফ অফিসার, সকল মহাব্যবস্থাপক মহোদয়ের দপ্তর, বিকেবি, প্রধান কার্যালয়/বিভাগীয় কার্যালয়সমূহ/স্থানীয় মুখ্য কার্যালয়, ঢাকা।
- ৪। অধ্যক্ষ, বিকেবি, স্টাফ কলেজ, মিরপুর, ঢাকা।
- ৫। সকল উপ-মহাব্যবস্থাপক/সচিব, বাংলাদেশ কৃষি ব্যাংক, প্রধান কার্যালয়, ঢাকা।
- ৬। উপ-মহাব্যবস্থাপক, আইসিটি সিস্টেমস্ , কার্ড ও মোবাইল ব্যাংকিং বিভাগ, বাংলাদেশ কৃষি ব্যাংক, প্রধান কার্যালয়, ঢাকা। উপরোক্ত পরিপত্রটি ব্যাংকের অফিসিয়াল ওয়েব সাইটে আপলোড করার প্রয়োজনীয় ব্যবস্থা গ্রহণের জন্য অনুরোধ করা হলো।
- ৭। বিভাগীয় নিরীক্ষা কর্মকর্তা, বাংলাদেশ কৃষি ব্যাংক, বিভাগীয় নিরীক্ষা কার্যালয়সমূহ।
- ৮। উপ-মহাব্যবস্থাপক, সকল কর্পোরেট শাখাসমূহ।
- ৯। সকল মুখ্য আঞ্চলিক/আঞ্চলিক ব্যবস্থাপক, বাংলাদেশ কৃষি ব্যাংক, মুখ্য আঞ্চলিক/আঞ্চলিক কার্যালয়সমূহ।
- ১০। সকল আঞ্চলিক নিরীক্ষা কর্মকর্তা, বাংলাদেশ কৃষি ব্যাংক, আঞ্চলিক নিরীক্ষা কার্যালয়সমূহ।
- ১১। সকল শাখা ব্যবস্থাপক, (মুখ্য আঞ্চলিক/আঞ্চলিক ব্যবস্থাপকের মাধ্যমে) বাংলাদেশ কৃষি ব্যাংক।
- ১২। নথি / মহানথি।



(মনির উদ্দিন)

উপ-মহাব্যবস্থাপক

ফোনঃ ৯৫৫০৪০৩

“মূল্যায়ন প্রতিবেদনের ছক”

বাংলাদেশ কৃষি ব্যাংক

... .. শাখা

বিষয়ঃ প্রস্তাবিত জামানতি সম্পত্তির মূল্যায়ন প্রতিবেদন।

উদ্যোক্তা/ প্রতিষ্ঠানের নাম ও ব্যবসায়িক ঠিকানা :

০১।	বন্ধকতব্য সম্পত্তির মালিকের নাম ও ঠিকানাঃ	ক) বর্তমানঃ
		খ) স্থায়ীঃ
০২।	প্রস্তাবিত জামানতি সম্পত্তির বর্তমান ভোগ দখলকারীর নাম ও ঠিকানাঃ	
০৩।	মালিকানার উৎসঃ ক্রয় / পৈত্রিক, ইজারা, বন্দোবস্ত, ওয়াক্ফ, দেবোত্তর, হুকুম দখলকারী ইত্যাদি মূলে প্রাপ্ত জমির মূল স্বত্বীয় দলিলপত্র যেমন মূল দলিল, বায়া দলিল, নামজারী খতিয়ান ও পর্চার ধারাবাহিক পর্যালোচনা।	
০৪।	প্রস্তাবিত জামানতি সম্পত্তির তফসিল :	
	জেলা উপ-জেলা মৌজা খতিয়ান নং দাগ নং জমির পরিমাণ জমির প্রকৃতি মালিকানার ধরণ	
	মোটঃ	-- --
০৫।	চৌহদ্দী : জমির মালিক ও দাগ খতিয়ানঃ	উক্ত সম্পত্তির উত্তরে উক্ত সম্পত্তির দক্ষিণে উক্ত সম্পত্তির পূর্বে উক্ত সম্পত্তির পশ্চিমে
০৬।	প্রস্তাবিত সম্পত্তির অবস্থান : পল্লী, শহর, শহরতলী, ক্যান্টনমেন্ট এরিয়া, আবাসিক /বাণিজ্যিক / পুকুর /ডোবা /খালঃ (যাভায়াত নির্দেশনা, রুট ম্যাপ সংযুক্ত করতে হবে) শহর বাণিজ্যিক, আবাসিক , শহরতলী, , মৌজা ও তৌজি , সিটি কর্পোরেশন/পৌরসভার হোন্ডিং নং ইত্যাদিসহ পল্লী ফসলী মৌজা ,তৌজি ইত্যাদিসহ	
০৭।	প্রস্তাবিত সম্পত্তিতে (ক) গ্যাস সংযোগ আছে কি না? (খ) বিদ্যুৎ সংযোগ আছে কি না? গ) পানির সংযোগ আছে কি না?	
০৮।	জমির প্রকৃতি : উঁচু/মধ্যম/নিচু/সমতল/ডোবা জমি, ইয়ারতসহ প্রযোজ্য তথ্যাদি উল্লেখ করতে হবে;	

০৯।	সম্পত্তির উপর নির্মিত সম্পদ (যদি থাকে) : যেমন কাঁচা/সেমি পাকা /পাকা /ঘরের সংখ্যা /তলার সংখ্যা/ ফ্ল্যাট/ মোট আয়তন/অনুমোদিত নকশা (প্ল্যান) ইত্যাদি উল্লেখ থাকতে হবে;	
১০।	জামানতি সম্পত্তির উপর সম্ভাব্য ঝুঁকিঃ নদী ভাংগন, বন্যা, জলোচ্ছ্বাস, ঘূর্ণিঝড় প্রবনতা, অগ্নিহরণ ইত্যাদি উল্লেখ করতে হবে;	
১১।	দালানকোঠা / ভবনের ক্ষেত্রে প্রয়োজনীয় কাগজপত্র ও তথ্যাদি : অনুমোদিত নকশা, নির্মাণ বছর, ভবনের প্রকৃতি, বাণিজ্যিক/ আবাসিক, গমনাগমনের রাস্তা (Approach Road) ইত্যাদি উল্লেখ করতে হবে;	
১২।	যন্ত্রপাতির ক্ষেত্রে প্রয়োজনীয় কাগজপত্র ও তথ্যাদিঃ প্রস্তুতকারী দেশ, প্রস্তুতের বছর, নতুন / রিকন্ডিশন, এল সি ও ইনভয়েসের কপি , বিল অব এন্ট্রি ইত্যাদি, স্থানীয় মেশিনারীর বেলায় দরপত্র, বিল , চালান ইত্যাদির কপি গ্রহণ করতে হবে;	
১৩।	বর্তমান বাজার মূল্য/ অভিহিত মূল্য : (Face Value)	(ক) জমির মূল্য= (খ) ইমারত/ফ্ল্যাট = (গ) যন্ত্রপাতি = মোট মূল্য =
১৪।	মৌজার বিক্রয় মূল্য (মৌজা রেট) : (Mouja Sale Value)	(ক) জমির মূল্য= (খ) ইমারত /ফ্ল্যাট = (গ) যন্ত্রপাতি = মোট মূল্য =
১৫।	পূর্বের মূল্যায়নঃ কততম মূল্যায়ন ও মূল্য (বছর ভিত্তিক) এবং মূল্যায়ন বছর : (দ্বিতীয় বার/তৃতীয় বার ও তৎপরবর্তী ও সংশ্লিষ্ট বছর)	মূল্যায়নের তারিখ মূল্য (১) (২) (৩)
১৬।	নিরূপিত মূল্য (Projected Value) : (i) জমির মূল্য = (ii) ইমারত = (iii) যন্ত্রপাতি = মোট মূল্য=	
১৭।	তাৎক্ষণিক বিক্রয় মূল্য : (Forced Sale Value)	(ক) জমির মূল্য= (খ) ইমারত = (গ) যন্ত্রপাতি = মোট মূল্য =
১৮।	মূল্যায়নের ভিত্তি : ক) বাজার মূল্য খ) সাব-রেজিস্ট্রি অফিসে রক্ষিত সর্বনিম্ন মৌজা মূল্য। গ) নির্ধারিত মূল্যায়ন ফ্যাক্টর ঘ) বিবিধ	

৬৫

৭৬

৭৭

১৯।	বন্ধক অবস্থা (যদি থাকে) : কি ধরনের বন্ধক নেয়া হয়েছে তার পূর্ণ বিবরণ :	
২০।	সম্পত্তির মালিকানা সম্পর্কে ব্যাংকের তালিকাভুক্ত আইনজীবির মতামতঃ	
২১।	সংযুক্ত দলিল পত্রের তালিকা : মূল দলিল /পর্চা/ খতিয়ান/ বায়া দলিল/তল্লাশী সনদ/ হালসনের খাজনা রশিদ/আয়কর রশিদ/ পৌরকর রশিদ ইত্যাদি :	
২২।	(Non Encumbrance Certificate) সম্পদ বন্ধক গ্রহণের পূর্বে তহশিল অফিস ও রেজিষ্ট্রি অফিস হতে তল্লাশী করে দলিলাদির শুদ্ধতার বিষয়ে- মতামতঃ	
২৩।	সার্বিক মন্তব্যঃ	
২৪।	<u>মূল্যায়ন কমিটির প্রত্যয়নঃ</u> আমরা যৌথভাবে ছকে বর্ণিত জমি এবং সংশ্লিষ্ট দলিল ও কাগজপত্রাদি যথাযথভাবে সরেজমিনে পরিদর্শন ও পরীক্ষা করেছি এবং সকল তথ্যাদি সঠিক ও সত্য বলে প্রত্যয়ন করছি।	

পরিদর্শনকারী কর্মকর্তাবৃন্দঃ

মাঠ কর্মকর্তা
(সম্পত্তির অবস্থান সংশ্লিষ্ট
শাখার)

প্রকৌশলী

সহকারী মহাব্যবস্থাপক (ঋণ) এলপিও/কর্পোরেট
শাখা/মুখ্য আঞ্চলিক কার্যালয়, উর্দ্ধতন মুখ্য
কর্মকর্তা (আঞ্চলিক কার্যালয়ের ক্ষেত্রে)

শাখা প্রধান /ব্যবস্থাপক
(সম্পত্তির অবস্থান সংশ্লিষ্ট
শাখার)

শাখা প্রধান / ব্যবস্থাপক
(ঋণ প্রস্তাবকারী শাখা)

আঞ্চলিক/বিভাগীয় নিরীক্ষা কর্মকর্তা

আঞ্চলিক/মুখ্য আঞ্চলিক ব্যবস্থাপক
(প্রযোজ্য ক্ষেত্রে)/
উপ-মহাব্যবস্থাপক
(এলপিও/কর্পোরেট শাখা) (প্রযোজ্য ক্ষেত্রে)

উপ-মহাব্যবস্থাপক (পরিচালন)
বিভাগীয় কার্যালয়

অনুমোদিত

মহাব্যবস্থাপক
বিভাগীয় কার্যালয়/স্থানীয় মুখ্য কার্যালয়, ঢাকা

৩